



PROCEDEMENTO DE CONTRATACIÓN DUNHA ASISTENCIA TÉCNICA PARA A AVALIACIÓN INTERMEDIA DA ESTRATEXIA DE DESENVOLVEMENTO LOCAL PARTICIPATIVO (EDLP) DO GALP GOLFO ÁRTABRO SUR.

1. ANTECEDENTES

O Grupo de Acción Local do Sector Pesqueiro (GALP) Golfo Ártabro Sur, é unha entidade colaboradora coa Consellería do Mar para o desenvolvemento sostenible das zonas de pesca, mediante a xestión do Programa FEMP 2014-2020 nos Concellos que abranguen o seu territorio: A Coruña, Arteixo, Bergondo, Cambre, Culleredo, Oleiros e Sada.

O GALP Golfo Ártabro Sur como colaborador asinou un convenio coa Consellería do Mar en virtude do que, o grupo deberá en función da súa Estratexia de Desenrollo Local Participativo (EDLP) realizar unha Avaliación Intermedia do grado de execución, obxectivos e resultados da mesma.

Polo anteriormente descrito, e para garantir con total e absoluta transparencia do emprego do importe dos Fondos FEMP 2014-2020 que lle foron asignados ao GALP Golfo Ártabro Sur para a execución da súa EDLP, así como para poder localizar a tempo, modificar, actualizar, corrixir, impulsar, dinamizar, renovar, ou contrarrestar as conclusións ata agora obtida en base á experiencia dos anos de traballo e os datos obtidos nos informes realizados. Espérase dende o GALP Golfo Ártabro Sur, que con esta Avaliación Intermedia se atope un novo enfoque, levar a cabo novas decisións, actualizar ou ratificar as que ata agora se estaban a tomar ata agora, para poder impulsar a execución da EDLP cara os obxectivos que nela se establecen tendo en conta: a execución ata o de agora conseguida, os obxectivos alcanzados e os resultados obtidos cos datos das anualidades 2017, 2018 e 2019.

2. OBXECTO DO CONTRATO

En base ao anteriormente descrito, o Grupo de Acción Local do Sector Pesqueiro Golfo Ártabro Sur, solicitar orzamentos para a realización da Avaliación Intermedia, e que será outorgado en concorrencia competitiva á mellor oferta técnica e económica para a realización dos seguintes traballos:

- Planificación da Avaliación Intermedia. Obtención de datos, enfoques, obxectivos a acadar, ferramentas de avaliación, metodoloxía, cronograma de realización e seguimento, recursos cos que se pode contar, análise do territorio (tipo de poboación, sector pesqueiro, carencias do sector do mar, infraestruturas de diversificación, actividades de animación, oportunidades do territorio, etc.), proceso participativo (xuntanzas, enquisas e entrevistas cos asociados, elaboración de enquisas ao público en xeral, entrevistas telefónicas,...), reunións co equipo técnico do GALP Golfo Ártabro Sur para o análises previo de toda a información facilitada e dispoñible na súa sede.
- Realización dunha avaliação conxunta tanto do traballo do propio GALP Golfo Ártabro Sur (gastos de funcionamento e difusión) como dos resultados dos proxectos financiados ata o ano 2019. Análise da contribución do GALP Golfo Ártabro Sur ao fortalecemento e desenrollo do seu territorio tanto no ámbito pesqueiro como no ámbito social en xeral, así como o impacto causado.

Prioridade 4. O.T. 8. O.E. 4 a) e b) Artículo 60.1 e 63 FEMP

Aplicación de EDLP. Proxectos financiados polos GALP (incluídos os custos de funcionamiento e animación)

Actuación cofinanciada polo FEMP nun 85% e 15% Fondos estatais





- Organización e realización de reunións cos promotores que foron beneficiarios das axudas dos fondos FEMP adxudicados polo GALP Golfo Ártabro Sur. Visitas in situ a cada un dos proxectos subvencionados polo grupo, onde se recollerán os datos a través dun formulario de seguimento e avaliación de cada un dos proxectos, así como a opinión de cada promotor respecto á axuda recibida e ao programa en xeral, ademais dos cambios que este realizaría para un mellor funcionamento do mesmo.
- Organización de reunións coas diferentes mesas sectoriais do GALP, así como dúas reunións como mínimo no territorio, abertas ao público en xeral, e unha presentación pública final coas conclusións da Avaliación Intermedia elaborada e a proposta de actividades de desenvolver. É moi importante, e terase en conta, a innovación nas formas de atraer o maior número de persoas participantes nas mesmas e levar a cabo estas reunións e logro de resultados.
- Aportar datos e indicadores que proporcionen información cualitativa e cuantitativa do grado de cumprimento da EDLP. Ademais de: datos, ideas, indicadores, etc. que sinalen a dirección a seguir para un maior éxito na consecución dos obxectivos da estratexia. Haberá que ter en conta os indicadores xa proporcionados na EDLP do GALP Golfo Ártabro Sur.
- Realización de actividades de comunicación e publicidade do proceso de Avaliación Intermedia da EDLP do grupo, para o que se contará cos medios dispoñibles polo GALP Golfo Ártabro Sur (redes sociais, contactos, prensa, radio, etc.). As medidas de publicidade deberán presentarse na memoria presentada.
- Informe final da Avaliación Intermedia no que se incluirán: obxectivos, metodoloxía, fontes, material obtido, anexo coas enquisas realizadas, datos de participación obtida, anexos fotográficos das reunións realizadas, dossier de comunicación, avaliación do funcionamento asociativo, avaliación da estratexia, indicadores empregados, resultados obtidos, conclusións obtidas, metas a alcanzar, novas metodoloxías a empregar, accións a levar a cabo para unha mellora na consecución dos obxectivos. Ademais, poderase axuntar toda a información que se crea convinte para a mellor comprensión do informe final ou para a aportación de datos de importancia.
- O informe deberá de entregarse en formato dixital e 2 copias en formato papel.

Ademais, dos aspectos aquí descritos, os licitadores deberán realizar os procesos e actividades marcadas na EDLP do GALP Golfo Ártabro Sur.

3. NORMATIVA APLICABLE

Os traballos deberán ser realizados en base á normativa aplicable para o mesmo:

- Estratexia de Desenrolo Local Participativo (EDLP) do GALP Golfo Ártabro Sur.
- Marco normativo e regulador en referencia ás medidas propostas de avaliación.
- Guías elaboradas por FARNET e FAME para a avaliação das EDLP
- Manual de Procedemento do Fondo e Convenio asinado polo GALP Golfo Ártabro Sur coa Consellería do Mar
- Regulamento UE 508/2014. Capítulo IV "Seguimiento, evaluación, información y comunicación".
- Regulamento UE 1014/2014

Prioridade 4. O.T. 8. O.E. 4 a) e b) Artículo 60.1 e 63 FEMP

Aplicación de EDLP. Proxectos financiados polos GALP (incluídos os custos de funcionamento e animación)

Actuación cofinanciada polo FEMP nun 85% e 15% Fondos estatais





4. DOCUMENTACIÓN E PRAZO DE PRESENTACIÓN DAS PROPOSTAS.

A documentación a entregar polos licitadores é a seguinte:

- Anexo I de contratación (que se axuntará á estas bases)
- Anexo II de declaración responsable (que se axuntará a estas bases)
- Memoria que recolla e especifique de forma detallada como se realizarán as actuacións solicitadas e melloras que se ofertan para a realización da Avaliación.
- Oferta económica do importe da Asistencia Técnica desagregada en partidas e conceptos de traballo a desenvolver, así como a especificación do IVE.
- Acreditación de solvencia técnica e económica mediante: informes de estar ao corrente con AEAT, SS e ATRIGA, realización e declaración de traballos e servizos relacionados coa contratación levados a cabo nos 3 derradeiros anos.

5. PRAZO DE ENTREGA DAS PROPOSTAS

- Prazo de entrega:
 - 10 días hábiles dende o día da publicación desta oferta na páxina web dos Grupos de Acción Local do Sector Pesqueiro de Galicia (<https://galp.xunta.gal/>)
- Forma de presentación:
 - As propostas serán enviadas á sede do GALP Golfo Ártabro Sur en correo certificado con acuse de recibo (Avda. do Porto nº21-baixo Sada – A Coruña). Enviarase unha copia da certificación de correos a través do seguinte correo electrónico galp.mar.golfoartabrosur@xunta.gal
 - Envío ao correo electrónico: galp.mar.golfoartabrosur@xunta.gal
(A documentación poderá achegarse por correo electrónico mentres que as sinaturas sexan dixitais, do contrario non será admitida)

6. CRITERIOS DE ADXUDICACIÓN

Adxudicarase a oferta mais vantaxosa economicamente, sempre que cumpra a maior parte dos requisitos esixidos (80% aproximadamente)

Valoraranse as melloras realizadas á actual proposta, a concreción e detalle dos orzamentos e memorias entregadas, a experiencia demostrable de traballos similares, a calidade técnica amosada e verificada na memoria.

Realizarase a adxudicación mediante os seguintes criterios:

- 60% Importe do orzamento
- 20% Melloras realizadas á proposta entregada
- 20% Detalle, concreción e calidade da proposta técnica.

As propostas serán valoradas seguindo os criterios que se atopan na seguinte páxina web:
<https://www.dacoruna.gal/dicoruna-subtel/valoracion/formula>

Prioridade 4. O.T. 8. O.E. 4 a) e b) Artículo 60.1 e 63 FEMP

Aplicación de EDLP. Proxectos financiados polos GALP (incluídos os custos de funcionamento e animación)

Actuación cofinanciada polo FEMP nun 85% e 15% Fondos estatais





Grupo de Acción Local
do sector Pesqueiro
Golfo Ártabro Sur

Av. Do Porto S/N (Baixo) Casa do Mar 15160 Sada
Tfnos: 881 896 417 / 617 867 820
NIF: G-70.184.494
galp.mar.golfoartabrosur@xunta.gal

Transcorrido o prazo de presentación de ofertas, informarase á Comisión de Contratación e reunirase para valorar as ofertas recibidas e a súa proposta técnica, económica e innovadora para a súa avaliación.

As empresas non seleccionadas serán informadas da declinación da súa oferta, e a que fose seleccionada informaráselle da súa elección para a formalización do contrato por escrito nun prazo máximo de 15 días dende a comunicación da adxudicación.

7. ORZAMENTO

O orzamento máximo para esta licitación e de 8.500 euros (IVE incluído).

8. PRAZO DE EXECUCIÓN DO CONTRATO.

O prazo de execución remata a día 2 de decembro de 2019

9. FORMA DE PAGO

O adxudicatario emitirá unha factura que será pagada antes do 31 de decembro de 2019.

En Sada, a 16 de maio de 2019

Grupo de Acción Local
do sector Pesqueiro
Golfo Ártabro Sur
Avda. do Porto nº 21 - baixo
15160 Sada - A Coruña - España
C.I.E. G - 70184494

Asdo. Alberto Castro García

Presidente do GALP Golfo Ártabro Sur

Prioridade 4. O.T. 8. O.E. 4 a) e b) Artículo 60.1 e 63 FEMP

Aplicación de EDLP. Proxectos financiados polos GALP (incluídos os custos de funcionamento e animación)

Actuación cofinanciada polo FEMP nun 85% e 15% Fondos estatais



XUNTA DE GALICIA
CONSELLERÍA DO MAR



Financiado pola Unión Europea
Fondo Europeo Marítimo e da Pesca
(FEMP)